

四庫全書

史部

欽定四庫全書

史部

舊五代史

目錄
卷二十一

詳校官編修臣黃壽齡

洗馬臣王坦修覆勘

總校官編修臣朱鈐

校對官員外郎臣王瑣

謄錄監生臣錢宗孝

御製題舊五代史八韻

上承唐室下開宋五代興衰紀欲詳舊史原監薛居正

宋開寶中詔修五代史盧多遜扈蒙張澹李昉劉蕡李穆李九齡同修宰相薛居正監修書成凡百五十卷其

後歐陽修別撰五代史紀七十新書重撰吉歐陽泰和五卷歲于家修及後官為刊印

獨用滋侵佚歐史既出遂與薛史並行當時以薛史為舊史歐史為新史至金章宗泰和時始詔

學官專用歐陽史於是薛史遂永樂分收究未彰永樂大典

雖載其文然割裂清舛四庫蒐羅今制創羣儒排纂故

編償因校四庫全書詞臣等于永樂大典各韻所引薛史甄錄條繫得十之八九復採冊府元龜太平御

覽通鑑考異五代會要契丹國志北夢瑣言諸書以補其缺並參考新舊唐書東都事畧宋史遼史續通鑑長編五代春秋九國志十國春秋及宋人說部文集并碑碣尚存者以資辨證卷帙悉符原書而考核更加詳備

殘縑斷簡研磨細合璧連珠體裁

去聲

良遂使已湮得再

顯果然紹遠藉搜旁兩存例可援劉昫

書成呈覽館臣請做劉昫舊唐

書之例列于廿三史刊布學官從之

專注事曾傳馬光

薛史文筆雖不及歐史謹嚴而叙事

頗為詳核其是非亦不詭于正司馬光通鑑多採用之

序以行之詩代序惕懷殷

鑒念尤長

謹

奏伏查永樂大典散片內所有薛居正等五代史一
書宋開寶中奉詔撰述在歐陽修五代史之前文
筆雖不及歐之謹嚴而叙事頗為詳核其是非亦
不詭於正司馬光通鑑多採用之當時稱為舊五
代史與歐陽修之本並行自金章宗泰和間始專
以歐史列之學官而薛史遂漸就湮沒茲者恭逢
聖主稽古右文網羅遺佚獲於零縑斷簡之中蒐輯完

奏摺
備實為此書之萬幸至其紀載該備足資參攷于
讀史者尤有裨益自宜與劉昫舊唐書並傳擬仍
昔時之稱標為舊五代史俾附二十三史之列以
垂久遠謹將全書五十八本校勘發凡一併裝訂
恭呈

御覽伏候

訓示前經臣王際華面

奏此書列之史冊洵足嘉惠藝林請照

殿版各史例刊刻頒行海內荷蒙

聖恩俞鑒恭候

欽定發下即交

武英殿遵照辦理再查諸史前俱有原進表文此書

原表久佚謹另擬奏摺一通隨書呈

進俟奉

旨允准即敬謹恭錄并奏摺同刊卷首以符體式再現
在繕本因係採葺成書于每段下附注原書卷目

以便稽攷但各史俱無此例刊刻時擬將各注悉
行刪去俾與諸史畫一其有必應核訂者酌加案
語照各史例附攷證于本卷之後合併聲明謹

奏奉

旨知道了欽此

奉

旨開列校刻舊五代史諸臣職名

總裁

多羅質郡王臣永璫

經筵日講起居注官太子太保武英殿大學士 御前大臣管理吏部刑部兼管
戶部三庫掌翰林院事務教習庶吉士兼管鑲黃旗滿洲都統事務世襲騎尉
舒赫德

經筵日講起居注官太子太保文華殿大學士管理戶部事務掌翰林院事 臣
于敏中

太子太保議政大臣 御前大臣領侍衛內大臣工部尚書正白旗滿洲都統管理戶部三庫兼管兵部
理藩院旗管內府大臣步軍統領衙門掌衛軍統領兼管兵部事務管理各旗處總管 御前大臣
房查志嚴謹謝庭武備院奉宸苑事務 圓明園八旗內府三旗管兵大臣和碩額駙一等忠勇公
福隆安

經筵講官協辦大學士吏部尚書教習庶吉士 臣
程景伊

經筵講官太子少傅戶部尚書臣王際華

經筵講官禮部尚書兼管國子監事務臣蔡新

經筵講官兵部尚書臣嵇璜

經筵講官議政大臣刑部尚書仍兼辦戶部侍郎事臣英廉
務管理三庫事務正黃旗滿洲都統總管內務府大臣

都察院左都御史臣張若淮

經筵講官吏部左侍郎臣曹秀先

戶部右侍郎署正紅旗蒙古副都統總管內務府大臣臣金簡

總纂

右春坊右庶子今陞翰林院侍讀學士臣陸錫熊

翰林院侍讀臣紀昀

纂修

翰林院編修臣邵晉涵

提調

司經局洗馬臣夢吉

翰林院編修臣劉錫嘏

翰林院編修臣百齡

翰林院檢討臣王仲愚

翰林院編修臣張燾

翰林院編修臣宋銑

翰林院編修臣蕭際韶

吏部考功司郎中今陞福建道監察御史臣章寶傳

吏部文選司員外郎今陞考功司郎中臣馮應榴

多 羅 質 郡 王臣永瑤等謹

奏為舊五代史編次成書恭呈

御覽事

臣

等伏案薛居正等所修五代史原由官撰成

自宋初以一百五十卷之書括八姓十三主之事

具有本末可為鑒觀雖值一時風會之衰體格尚

沿于冗弱而垂千古廢興之迹異同足備夫叅稽

故以楊大年之淹通司馬光之精確無不資其賅

貫據以編摩求諸列朝正史之間實可劉昫舊書

金史卷八十八
奏摺
之比乃徵唐事者並傳天福之本而攷五代者惟
行歐陽之書致此逸文寔成墜簡閱沈淪之已久
信顯晦之有時欽惟我

皇上紹繹前聞網羅羣典

發秘書而讐校廣四庫之儲藏欣邁遺編因裒散帙首
尾略備篇目可尋經呵護以偶存知表章之有待
非當

聖世曷闡成編

臣

等謹率同總纂官右春坊右庶子

臣

陸錫熊翰林院侍讀臣紀昀纂修官編修臣邵晉
涵等按代分排隨文勘訂彙諸家以搜其放失臚
衆說以補其闕殘復為完書可以繕寫竊惟五季
雖屬閏朝文獻足徵治忽宜監有薛史以綜事蹟
之備有歐史以昭筆削之嚴相輔而行偏廢不可
幸遭逢乎

盛際得煥發其幽光所裨實多先睹為快臣等已將永
樂大典所錄舊五代史依目編輯勒一百五十卷

謹分裝五十八冊各加攷證粘簽進

呈敬請刊諸

秘殿頒在學官搜散佚于七百餘年廣體裁于二十

三史著名山之錄允宜傳播于人間儲

乙夜之觀冀稟折衷于

睿鑒惟慚疎陋伏候

指揮謹

奏乾隆四十年七月初三日

多 羅 質 郡 王 臣 永 琫

經筵講官起居注官武英殿大學士 臣 舒赫德

經筵日講起居注官文華殿大學士 臣 于敏中

工部尚書和碩額駙一等忠勇公 臣 福隆安

經筵講官協辦大學士吏部尚書 臣 程景伊

經筵講官戶部尚書 臣 王際華

經筵講官禮部尚書 臣 蔡 新

經筵講官兵部尚書 臣 嵇 璜

經筵講官刑部尚書仍兼戶部侍郎臣英廉

都察院左都御史臣張若澐

經筵講官吏部左侍郎臣曹秀先

戶部右侍郎臣金簡

欽定四庫全書

舊五代史編定凡例

一薛史原書體例不可得見今攷其諸臣列傳多云事見某書或云每書有傳知其於梁唐晉漢周斷代為書如陳壽三國志之體故晁公武讀書志直稱為詔修梁唐晉漢周書今仍按代分編以還其舊

一薛史本紀沿舊唐書帝紀之體除授沿革鉅纖畢書惟分卷限制為永樂大典所割裂已不可攷詳核原

文有一年再紀元者如有同光元年春正月下復書同光元年秋七月知當於七月以後別為一卷蓋其體亦仿舊唐書通鑑尚沿其例也今釐定編次為本紀六十一卷與玉海所載卷數符合

一薛史本紀俱全惟梁太祖紀原帙已闕其散見各韻者僅得六十八條今據冊府元龜諸書徵引薛史者按條採掇尚可薈萃謹仿前人取魏澹書高氏小史補北魏書之例按其年月條繫件附釐為七卷

一五代諸臣類多歷事數朝首尾牽連難於分析歐陽脩新史以始終從一者入梁唐晉漢周臣傳其兼涉數代者則創立雜傳歸之褒貶謹嚴於史法最合薛史僅分代立傳而以專事一朝及更事數姓者參差錯列賢否混淆殊乖史體此即其不及歐史之一端因篇有論贊總叙諸人難以割裂更易姑仍其舊以備參攷得失所在讀史者自能辨之

一后妃列傳永樂大典中惟周后妃傳全帙具存餘多

殘闕今采五代會要通鑑契丹國志北夢瑣言諸書
以補其闕用雙行分註不使與本文相混也

一宗室列傳永樂大典所載頗多脫闕今並據冊府元
龜通鑑註諸書采補其諸臣列傳中偶有闕文亦仿
此例

一諸臣列傳其有史臣原論者俱依論中次第排比若
原論已佚則攷其人之事蹟以類分編

一薛史標目如李茂貞等稱世襲傳見於永樂大典原

文其楊行密等稱僭偽傳則見於通鑑攷異今悉依仿編類以還其舊

一薛史諸志永樂大典內偶有殘闕今俱采太平御覽所引薛史增補仍節錄五代會要諸書分註於下以備參攷

一凡紀傳中所載遼代人名官名今悉從遼史索倫語解改正

一永樂大典所載薛史原文多有字句脫落音義舛訛

者今據前代徵引薛史之書如通鑑攷異通鑑註太平御覽太平廣記冊府元龜玉海筆談容齋五筆青
細雜記職官分紀錦繡萬花谷藝文類聚記纂淵海
之類皆為參互校訂庶臻詳備

一史家所紀事蹟流傳互異彼此各有舛誤今據新舊
唐書東都事畧宋史遼史續通鑑長編五代春秋九
國志十國春秋及宋人說部文集與五代碑碣尚存
者詳為攷核各加案語以資辨證

一陶岳五代史補王禹偁五代史闕文本以補薛史之
闕雖事多瑣碎要為有裨史學故通鑑歐陽史亦多
所取今並仿裴松之三國志註體例附見於後

一薛史與歐史時有不合如唐閔帝紀薛史作明宗第
三子而歐史作第五子攷五代會要通鑑並同薛史
又歐史唐家人傳云太祖有第四人曰克讓克修克
恭克寧皆不知其父母名號據薛史宗室傳則克讓
為仲弟克寧為季弟克修為從父弟父曰德成克恭

為諸弟非皆不知其父母名號又晉家人傳止書出
帝立皇后馮氏攷薛史紀傳馮氏未立之先追冊張
氏為皇后而歐史不載又張萬進賜名守進故薛史
本紀先書萬進後書守進歐史刪去賜名一事故前
後遂如兩人其餘年月之先後官爵之遷授每多互
異今悉為辨證詳加案語以示折衷

一歐史改修原據薛史為本其間有改易薛史之文而
涉筆偶誤者如章如愚山堂攷索論歐史載梁遣人

至京師紀以為朱友謙傳以為朱友諒楊涉相梁三
仕三已而歲月所具紀載實異至末年為相但書其
罷而了不知其所入歲月唐明宗在位七年餘而論
贊以為十年之類是也有尚沿薛史之舊而未及刊
改者如吳縝五代史纂誤譏歐史杜曉傳幅巾自廢
不當云十餘年羅紹威傳牙軍相繼不當云二百年
之類是也今並各加辨訂於每卷之後庶二史異同
得失之故讀者皆得以攷見焉

--	--	--	--	--	--	--	--

欽定四庫全書

史部一

舊五代史目錄止

正史類

宋門下侍郎參知政事監修國史薛居正等撰

卷一

梁書一

太祖本紀一

卷二

梁書二

太祖本紀二

卷三

梁書三

太祖本紀三

卷四

梁書四

太祖本紀四

卷五

梁書五

太祖本紀五

卷六

梁書六

太祖本紀六

卷七

梁書七

太祖本紀七

卷八

梁書八

末帝本紀上

卷九

梁書九

末帝本紀中

卷十

梁書十

末帝本紀下

卷十一

梁書十一

后妃列傳一

文惠王太后

元貞張皇后

張德妃

卷十二

梁書十二

宗室列傳二

廣王全昱

友諒

惠王友能

邵王友誨

安王友寧

密王友倫

柳王友裕

傅王友文

庶人友珪

福王友璋

賀王友雍

建王友徽

康王友孜

卷十三

梁書十三

列傳三

朱瑄

朱瑾

時溥

王帥範

劉知俊

楊崇本

蔣殷

張萬進

卷十四

梁書十四

列傳四

羅紹威

趙

犇

弟昶

王

珂

從兄珙

卷十五

梁書十五

列傳五

韓建

李罕之

馮行襲

孫德昭

趙克裕

張慎思

卷十六

梁書十六

列傳六

葛從周

謝彥章

胡真

張歸霸

張歸厚

張歸弁

卷十七

梁書十七

列傳七

成 汭

杜 如

鍾傳

田

額 朱延壽

趙 匡 疑

張 信

雷 滿

卷十八

梁書十八

列傳八

張 文 蔚

薛 貽 矩

張策

杜曉

敬翔

李振

卷十九

梁書十九

列傳九

氏叔琮

朱友恭

王重師

朱珍

李思安

鄧季筠

黃文靖

胡規

李 讓

李重裔

范居實

卷二十

梁書二十

列傳十

謝 朓

司馬鄴

劉 捍

王敬羗

高 劭

馬嗣勲

張存敬

寇彥卿

卷二十一

梁書二十一

列傳十一

龐師古

霍存

符道昭

徐懷玉

郭言

李唐賓

王虔裕

劉康乂

王彥章

卷二十二

梁書二十二

列傳十二

楊帥厚

牛存節

王檀

卷二十三

梁書二十三

列傳十三

劉鄩

賀瓌

康懷英

王景仁

卷二十四

梁書二十四

列傳十四

李珣

盧會

孫騰

張儁

張衍

杜荀鶴

羅隱

仇殷

段深

卷二十五

唐書一

武皇本紀上

卷二十六

唐書二

武皇本紀下

卷二十七

唐書三

莊宗本紀一

卷二十八

唐書四

莊宗本紀二

卷二十九

唐書五

莊宗本紀三

卷三十

唐書六

莊宗本紀四

卷三十一

唐書七

莊宗本紀五

卷三十二

唐書八

莊宗本紀六

卷三十三

唐書九

莊宗本紀七

卷三十四

唐書十

莊宗本紀八

卷三十五

唐書十一

明宗本紀一

卷三十六

唐書十二

明宗本紀二

卷三十七

唐書十三

明宗本紀三

卷三十八

唐書十四

明宗本紀四

卷三十九

唐書十五

明宗本紀五

卷四十

唐書十六

明宗本紀六

卷四十一

唐書十七

明宗本紀七

卷四十二

唐書十八

明帝本紀八

卷四十三

唐書十九

明宗本紀九

卷四十四

唐書二十

明宗本紀十

卷四十五

唐書二十一

閏帝本紀

卷四十六

唐書二十二

末帝本紀上

卷四十七

唐書二十三

末帝本紀中

卷四十八

唐書二十四

末帝本紀下

卷四十九

唐書二十五

后妃列傳一

貞簡曹太后

劉太妃

魏國夫人陳氏

神閔劉皇后

韓淑妃

伊德妃

昭懿夏皇后

和武曹皇后

宣憲魏太后

孔皇后

劉皇后

卷五十

唐書二十六

宗室列傳二

克讓

克修
子嗣脰

克恭

克寧

卷五十一

唐書二十七

宗室列傳三

永王存霸

邕王存美

薛王存禮

申王存渥

睦王存乂

通王存確

魏王繼岌

弟繼潼等

繼璟

泰王從榮

從璚

許王從益

重吉

雍王重美

卷五十二

唐書二十八

劉傳四

李嗣昭

子繼編
裴約

李嗣本

李嗣恩

卷五十三

唐書二十九

列傳五

李存信

李存孝

李存進

子漢韶

李存璋

李存賢

卷五十四

唐書三十

列傳六

王鎔

子昭諱

王處直

子都

卷五十五

唐書三十一

列傳七

康君立

薛志勤

史建塘

李承嗣

史儼

蓋寓

伊廣

李承勲

史敬鎔

卷五十六

唐書三十二

列傳八

周德成

符存審

子彥起

卷五十七

唐書三十三

列傳九

郭崇韜

卷五十八

唐書三十四

列傳十

趙光逢

鄭珏

崔協

李琪

蕭 頃

卷五十九

唐書三十五

列傳十一

丁 會

閻 實

符 習

烏 震

王 瓚

袁象先

張 溫

李紹文

卷六十

唐書三十六

列傳十二

李襲吉

王緘

李敬義

盧汝弼

李德休

蘇循

卷六十一

唐書三十七

列傳十三

安金全

從子審

安重霸

劉訓

張敬詢

劉彥琮

袁建豐

西方鄴

張遵誨

孫璋

卷六十二

唐書三十八

列傳十四

孟方立

張文禮

董璋

卷六十三

唐書三十九

列傳十五

張全義

朱友謙

卷六十四

唐書四十

列傳十六

霍彥威

王晏球

戴思遠

朱漢賓

孔勅

劉玘

周知裕

卷六十五

唐書四十一

列傳十七

李建及

石君立

高行珪

張延裕

王思同

宗自通

卷六十六

唐書四十二

列傳十八

安重誨

朱弘昭

朱洪實

康義誠

藥彥稠

宋令詢

卷六十七

唐書四十三

列傳十九

豆盧革

韋說

盧程

趙鳳

李愚

任圜

卷六十八

唐書四十四

列傳二十

薛廷珪

崔沂

劉岳

封舜卿

竇夢徵

李保殷

歸藹

孔邈

張文寶

陳乂

劉瓚

卷六十九

唐書四十五

列傳二十一

張憲

王正言

胡裝

崔貽孫

孟鵠

孫岳

張延朗

劉延皓

劉延朗

卷七十

唐書四十六

列傳二十二

元行欽

夏魯奇

姚洪

李嚴

李仁矩

康思立

張敬達

卷七十一

唐書四十七

列傳二十三

馬郁

司空頤

曹廷隱

蕭希甫

藥緞之

賈馥

馬縞

羅貫

張格

許寂

周玄豹

卷七十二

唐書四十八

列傳二十四

張承業

張居翰

馬紹宏

孟漢瓊

卷七十三

唐書四十九

列傳三十五

毛瑋

聶璵

溫韜

殷凝

孔謙

李鄴

卷七十四

唐書五十

列傳二十六

康延李

朱守殷

楊立

竇延琬

張虔釗

楊彥溫

舊五代史目錄上

欽定四庫全書

舊五代史目錄下

宋門下侍郎參知政事監修國史薛居正等撰

卷七十五 晉書一

高祖本紀一

卷七十六 晉書二

高祖本紀二

卷七十七 晉書三

高祖本紀三

卷七十八

晉書四

高祖本紀四

卷七十九

晉書五

高祖本紀五

卷八十

晉書六

高祖本紀六

卷八十一

晉書七

少帝本紀一

卷八十二

晉書八

少帝本紀二

卷八十三

晉書九

少帝本紀三

卷八十四

晉書十

少帝本紀四

卷八十五

晉書十一

少帝本紀五

卷八十六

晉書十二

后妃列傳一

李皇后

安太妃

張皇后

馬皇后

卷八十七

晉書十三

宗室列傳二

廣王敬威

韓王暉

楚王重信

壽王重乂

卷八十八

晉書十四

列傳三

景延廣

李彥韜

張希崇

王庭允

史匡翰

梁漢顒

楊思權

尹暉

李從璋

子重俊

李從溫

張萬進

卷八十九

晉書十五

列傳四

桑維翰

趙瑩

劉昫

馮玉

殷鵬

卷九十

晉書十六

列傳五

趙在禮

馬全節

張

筠

弟錢

華溫琪

安重阮

楊彥詢

李承約

陸思鐸

張朗

李德琬

田武

李承福

相里金

卷九十一

晉書十七

列傳六

房知溫

王建立

康福

安彥威

李周

張從訓

李繼忠

李頃

周光輔

符彥饒

羅敬周

鄭棕

卷九十二

晉書十八

列傳七

姚顗

呂琦

梁文矩

史圭

吳承範

盧導

鄭韜光

王權

韓惲

李懌

卷九十三

晉書十九

列傳八

盧質

李專美

盧詹

崔柎

薛融

曹國珍

張仁愿

趙熙

李遐

尹玉羽

鄭雲叟

卷九十四

晉書二十

列傳九

裴從簡

潘環

方太

何建

張廷蘊

郭延魯

郭金海

劉處讓

李瓊

高漢筠

孫彥韜

王傳極

李彥珣

卷九十五

晉書二十一

列傳十

皇甫遇

王清

梁漢璋

白奉進

盧順密

周環

沈贊

吳巒

翟璋

程福贊

郭璘

卷九十六

晉書二十二

列傳十一

孔崇弼

陳保極

王瑜

張繼祚

鄭阮

胡饒

劉遂清

房嵩

孟承誨

劉繼勲

鄭受益

程遜

李郁

馬重績

陳元

卷九十七

晉書二十三

列傳十二

范延光

張從賓

張延播

楊光遠
子承勳

盧文進

李金全

卷九十八

晉書二十四

列傳十三

安重榮

安從進

張彥澤

趙德鈞
子延壽

張礪

蕭翰

劉晞

崔廷勳

卷九十九

漢書一

高祖本紀上

卷一百

漢書二

高祖本紀下

卷一百一

漢書三

隱帝本紀上

卷一百二

漢書四

隱帝本紀中

卷一百三

漢書五

隱帝本紀下

卷一百四

漢書六

后妃列傳一

李皇后

卷一百五

漢書七

宗室列傳二

魏王承訓

陳王承勲

蔡王信

湘陰公贇

卷一百六

漢書八

列傳三

王周

劉審交

武漢球

張瓘

李殷

劉在明

馬萬

李彥從

郭謹

皇甫立

白再榮

張鵬

卷一百七

漢書九

列傳四

史宏肇

楊邠

王章

李洪建
弟業

閻晉卿

聶文進

後贊

郭允明

劉銖

卷一百八

漢書十

列傳五

李崧

蘇逢吉

李璘

龍敏

劉鼎

張允

任延浩

卷一百九

漢書十一

列傳六

杜重威

李守貞

趙思綰

卷一百十

周書一

太祖本紀一

卷一百十一 周書二

太祖本紀二

卷一百十二 周書三

太祖本紀三

卷一百十三 周書四

太祖本紀四

卷一百十四 周書五

世宗本紀一

卷一百十五 周書六

世宗本紀二

卷一百十六 周書七

世宗本紀三

卷一百十七 周書八

世宗本紀四

卷一百十八 周書九

世宗本紀五

卷一百十九

周書十

世宗本紀六

卷一百二十

周書十一

恭帝本紀

卷一百二十一

周書十二

后妃列傳一

聖穆柴皇后

楊淑妃

張貴妃

董德妃

貞惠劉皇后

宣懿符皇后

卷一百二十二 周書十三

宗室列傳二

剡王侗

杞王信

越王宗誼

曹王宗讓

紀王熙謹

蘄王熙誨

卷一百二十三 周書十四

列傳三

高行周

安審琦

安審信

李從敏

鄭仁誨

張彥成

安叔千

宋彥筠

卷一百二十四

周書十五

列傳四

王殷

何福進

劉詞

王進

史彥超

史懿

王令溫

周密

李懷忠

白文珂

白延遇

唐景思

卷一百二十五

周書十六

列傳五

趙暉

王守恩

孔知濬

王繼宏

馮暉

高允權

折從阮

王饒

孫方諫

卷一百二十六 周書十七

列傳六

馮道

卷一百二十七 周書十八

列傳七

盧文紀

馬允孫

和凝

蘇禹珪

景範

卷一百二十八 周書十九

列傳八

王朴

楊凝式

薛仁謙

蕭愿

盧損

王仁裕

裴羽

段希堯

司徒詡

邊蔚

王敏

卷一百二十九 周書二十

列傳九

常思

翟光鄴

曹英

李彥頤

李暉

李建崇

王重裔

孫漢英

許遷

趙鳳

齊藏珍

王環

張彥超

張穎

劉仁瞻

卷一百三十

周書二十一

列傳十

王峻

慕容彥超

閻宏魯

卷一百三十一 周書二十二

列傳十一

劉皦

張沆

張可復

于德辰

王延

申文炳

扈載

賈緯

趙延乂

沈邁

李知損

孫晟

卷一百三十二

世襲列傳一

李茂貞

從嚴

從祖

茂勳

高萬興

允端

韓

遜

洙

李仁福

昇超

昇興

卷一百三十三

世襲列傳二

高季興

從誨

保勗

馬

殷

希範等

劉言

錢

鏐

元瓘

佐

儵

徽

卷一百三十四

僭偽列傳一

楊行密

渚

渭

溥

李

昇

景

王審知

延鈞

昶

延義

卷一百三十五

僭偽列傳二

劉守光

劉陟

玢

晟

銀

劉崇

卷一百三十六

僭偽列傳三

王建衍

孟知祥昶

卷一百三十七

外國列傳一

契丹

卷一百三十八

外國列傳二

吐蕃

迴鶻

高麗

渤海靺鞨

黑水靺鞨

新羅

党項

昆明部落

于闐

占城

牂牁蠻

卷一百三十九

志一

天文

卷一百四十

志二

曆

卷一百四十一

志三

五行

卷一百四十二

志四

禮上

卷一百四十三

志五

禮下

卷一百四十四

志六

樂上

卷一百四十五

志七

樂下

卷一百四十六

志八

食貨

卷一百四十七

志九

刑法

卷一百四十八

志十

選舉

卷一百四十九

志十一

職官

卷一百五十

志十二

郡志

臣等謹案舊五代史一百五十卷併目錄二

卷宋司空同中書門下平章事薛居正等撰
攷晁公武讀書志云開寶中詔修梁唐晉漢
周書盧多遜扈蒙張澹李昉劉蕡李穆李九

齡同修宰相薛居正等監修玉海引中興書
目云開寶六年四月戊申詔修五代史七年
閏十月甲子書成凡百五十卷目錄二卷為
紀六十一志十二傳七十七多據累朝實錄
及范質五代通錄為稿本其後歐陽修別錄
五代史記七十五卷藏於家修歿後官為刊
印學者始不專習薛史然二書猶並行於世
至金章宗泰和七年詔學官止用歐陽史於

是薛史遂微元明以來罕有援引其書者傳
本亦漸就湮沒惟明內府有之見於文淵閣
書目故永樂大典多載其文然割裂淆亂已
非居正等篇第之舊恭逢

聖朝右文稽古網羅放佚零鱗斷簡皆次第編摩

臣等謹就永樂大典各韻中所引薛史甄錄
條繫排纂先後檢其篇第尚得十之八九又
攷宋人書之徵引薛史者每條采錄以補其

闕遂得依原書卷數勒成一編晦而復彰散而復聚殆實有神物呵護以待時而出居正等所修筆削體例亦特謹嚴然自宋時論二史者即互有所主司馬光作通鑑胡三省作通鑑注皆專據薛史而不取歐史沈括洪邁王應麟輩為一代博洽之士其所著述於薛歐二史亦多兼採而未嘗有所軒輊蓋修所作皆刊削舊史之文意主斷制不肯以紀載

叢碎自貶其體故其詞極工而於情事或不能詳備至居正等奉詔撰述本在宋初秉筆之臣尚多逮事五代見聞較近紀傳皆首尾完具可以徵信故異同所在較核事迹往往以此書為長雖其文體卑弱不免叙次煩冗之病而遺文瑣事反藉以獲傳實足為攷古者參稽之助又歐史止述司天職方二攷而諸志俱闕凡禮樂職官之制度選舉刑法之

沿革上承唐典下開宋制者一概無徵亦不及薛史諸志為有裨於文獻蓋二書繁簡各有體裁學識兼資難於偏廢昔修與宋祁所撰新唐書事增文省足以括劉昫舊書而昫書仰荷

皇上表章今仍得到於正史況是書文雖不及歐陽而事迹較備又何可使隱沒不彰哉謹攷次舊文釐為梁書二十四卷唐書五十卷晉

書二十四卷漢書十一卷周書二十二卷世襲列傳二卷僭偽列傳三卷外國列傳二卷志十二卷共一百五十卷別為目錄二卷而蒐羅排纂之意則著於凡例具列如左乾隆四十九年十月恭校上

總纂官

臣紀昀

臣陸錫熊

臣孫士毅

總纂官

總校官

臣陸

費

墀

總校官

欽定四庫全書

舊五代史卷一

宋門下侍郎參知政事監修國史薛居正等撰

梁書第一

太祖紀一

太祖神武元聖孝皇帝姓朱氏諱晃本名溫宋州碭山人其先舜司徒虎之後高祖黠曾祖茂琳祖信父誠帝即誠之第三子母曰文惠王皇后

五代會要梁肅祖宣元皇帝諱黠舜司徒

虎四十二代孫開平元年七月追尊宣元皇帝廟號肅祖葬興極陵敬祖光獻皇帝諱茂琳宣元皇帝長子母曰宣僖皇后范氏開平元年七月追尊光獻皇帝廟號敬祖葬永安陵憲祖昭武皇帝諱信光獻皇帝長子母曰光孝皇后楊氏開平元年七月追尊昭武皇帝廟號憲祖葬光天陵烈祖文穆皇帝諱誠昭武皇帝長子母曰昭懿皇后劉氏開平元年七月追尊以唐大中六年歲尊文穆皇帝廟號烈祖葬咸寧陵

在壬申十月二十一夜生於礪山縣午溝里是夕所居廬舍之上有赤氣上騰里人望之皆驚奔而來曰朱家火發矣及至則廬舍儼然既入隣人以誕孩告衆咸異之昆仲三人俱未冠而孤母攜養寄於蕭縣人劉崇

之家帝既壯不事生業以雄勇自負里人多厭之崇以其慵惰每加譴杖惟崇母自幼憐之親為櫛髮嘗誡家人曰朱三非常人也汝輩當善待之家人問其故答曰我嘗見其熟寐之次化為一赤蛇然衆亦未之信也唐僖宗乾符中關東薦饑羣賊嘯聚黃巢因之起於曹濮饑民願附者凡數萬帝乃辭崇家與仲兄存俱入巢軍以力戰屢捷得補為隊長唐黃明元年十二月甲申黃巢陷長安遣帝領兵屯於東渭橋是時夏州節度使諸

葛爽率所部屯於櫟陽巢命兵招諭爽爽遂降於巢中
和元年二月巢以帝為東南面行營先鋒使令攻南陽
下之六月帝歸長安巢親勞於灞上七月巢遣帝西拒
邠岐鄜夏之師於興平所至皆立功二年二月巢以帝
為同州防禦使使自攻取帝乃自丹州南行以擊左馮
翊拔之遂據其郡時河中節度使王重榮屯兵數萬糾
兵諸侯以圖興復帝時與之鄰封屢為重榮所敗遂請
濟師於巢表章十上為偽左軍使孟楷所蔽不達又聞

巢軍勢威諸校離心帝知其必敗九月帝遂與左右定計斬偽監軍使嚴實舉郡降于重榮重榮即日飛章上奏時僖宗在蜀覽表而喜曰是天賜予也乃詔授帝左金吾衛大將軍充河中行營副招討使仍賜名全忠自是率所部與河中兵士偕行所向無不克捷三年三月僖宗制授帝宣武軍節度使依前充河中行營副招討使仍令侯牧復京闕即得赴鎮四月巢軍自藍闕南走帝與諸侯之師俱收長安乃率部下一旅之衆伏節東

下七月丁卯入於梁苑是時帝年三十有二時蔡州刺史秦宗權與黃巢餘孽合從肆虐共圍陳州久之僖宗乃命帝為東北面都招討使時汴宋連年阻饑公私俱困帑廩皆虛外為大敵所攻內則驕軍難制交鋒接戰日甚一日人皆危之惟帝銳氣益振是歲十二月帝領兵於鹿邑與巢衆相遇縱兵擊之斬首二千餘級乃引兵入亳州因是蕪有譙郡之地四年春帝與許州田從異諸軍同收瓦子寨殺賊數萬衆是時陳州四面賊寨

相望驅擄編氓殺以充食號為舂磨寨帝分兵剪撲大小凡四十戰四月丁巳收西華寨賊將黃鄴單騎奔陳帝乘勝追之鼓噪而進會黃巢遁去遂入陳州刺史趙犇迎於馬前俄聞巢黨尚在陳北故陽壘帝遂逕歸大梁是時河東節度使李克用奉僖宗詔統騎軍數千同謀破賊與帝合勢於中牟北邀擊之賊衆大敗於王滿渡多束手來降時賊將霍存葛從周張歸厚張歸霸皆匍匐於馬前悉宥而納之遂逐殘寇東至於冤句五月

甲戌帝與晉軍振旅歸汴館克用於上源驛既而備犒宴之禮克用乘醉任氣帝不平之是夜命甲士圍而攻之會大雨雷電克用因得於電光中踰垣遁去惟殺其部下數百人而已六月陳人感解圍之惠為帝建生祠堂於其郡是歲黃巢雖歿而蔡州秦宗權繼為巨孽有衆數萬攻陷鄰郡殺掠吏民屠害之酷更甚巢賊帝患之七月遂與陳人共攻蔡賊於激水殺數千人九月己未僖宗就加帝檢校司徒同平章事封沛郡侯食邑千

戶光啟元年春蔡賊掠亳潁二郡帝帥師以救之遂東
至於焦夷敗賊衆數千生擒賊將殷鐵林梟首以徇軍
而還三月僖宗自蜀還長安改元光啟四月戊辰就加
帝檢校太保增食邑千五百戶十二月河中太原之師
逼長安觀軍容使田令孜奉僖宗出幸鳳翔二年春蔡
賊益熾時唐室微弱諸道州兵不為王室所用故宗權
得以縱毒連陷汝洛懷孟唐鄧許鄭圍幅數千里殆絕
人烟惟宋亳滑潁僅能閉壘而已帝累出兵與之交戰

然或勝或負人甚危之三月庚辰僖宗降制就封帝為
沛郡王是月僖宗移幸興元五月嗣襄王煝僭即帝位
於長安改元為建貞遣使賫偽詔至汴帝命焚之於庭
未幾襄王果敗七月蔡人逼司州節度使鹿宴弘使來
求救帝遣葛從周等率師赴援師未至而城陷宴弘為
蔡賊所害十一月滑州節度使安師儒以怠於軍政為
部下所殺帝聞之乃遣朱珍李唐賓襲而取之由是遂
有滑臺之地十二月僖宗降制就加帝檢校太傅改封

吳興郡王食邑三千戶是歲鄭州為蔡賊所陷刺史李璠單騎來奔帝宥而納之以為行軍司馬宗權既得鄭益驕帝遣裨將邏於金隄驛與賊相遇因擊之賊衆大敗追至武陽橋斬首千餘級帝每與蔡人戰於四郊既以少擊衆常出奇以制之但患師少未快其旨宗權又以已衆十倍於帝恥於頻敗乃誓衆堅決以攻夷門既而獲蔡之諜者備知其事遂謀濟師焉三年春二月乙巳承制以朱珍為淄州刺史裨募兵於東道且慮蔡人

暴其麥苗期以夏首回歸珍既至淄棣旬日之內應募者萬餘人又潛襲青州獲馬千匹鎧甲稱是乃鼓行而歸四月辛亥達於夷門帝喜曰吾事濟矣是時賊將張暉屯於北郊秦賢屯於版橋各有衆數萬樹柵相連二十餘里其勢甚盛帝謂諸將曰此賊方今息師蓄銳以俟時必來攻我况宗權度我兵少又未知珍來謂吾畏懼止於堅守而已今出不意不如先擊之乃親引兵攻秦賢寨將士踊躍爭先賊果不備連拔四寨斬首萬餘

級時賊衆以為神助庚午賊將盧瑋領萬餘人於圃田北萬勝戍夾汴水為營跨河為梁以扼運路帝擇精銳以襲之是日昏霧四合兵及賊壘方覺遂突入掩殺赴水死者甚衆盧瑋自投於河河南諸賊連敗不敢復駐皆併在張旺寨自是蔡寇皆懷震警往往軍中自相驚亂帝旋師休息大行犒賞繇是軍士各懷憤激每遇敵無不奮勇五月丙子出酸棗門自邠至耒短兵相接賊衆大敗追斬二十餘里僵仆就枕宗權恥敗益縱其虐

乃自鄭州親領突將數人逕入張旺寨其日晚大星隕於賊壘有聲如雷辛巳充鄆滑軍士皆來赴援乃陳兵于汴水之上旌旗器甲甚盛蔡人望之不敢出寨翼日分布諸軍齊攻賊寨自寅至申斬首二萬餘級會夜收軍獲牛馬輜重生口器甲不可勝計是夜宗權旺遁去遲明追之至陽武橋而還宗權至鄭州乃盡焚其廬舍屠其郡人而去始蔡人分兵寇陝雒孟懷許汝皆先據之因是敗也賊衆恐懼咸棄之而遁帝乃慎選將佐俾

完葺壁壘為戰守之備於是遠近流亡復歸者衆矣是時揚州節度使高駢為裨將畢師鐸所害復有孫儒揚行密互相攻伐朝廷不能制乃就加帝檢校太尉兼領淮南節度使九月亳州裨將謝殷逐刺史宋兗自據其郡帝親領軍屯於太清宮遣霍存討平之帝之禦蔡寇也鄆州朱瑄兗州朱瑾皆領兵來援及宗權既敗帝以瑄瑾宗人也又有力於已皆厚禮以歸之瑄瑾以帝軍士勇悍私心愛之乃密於曹濮界上懸金帛以誘之帝

軍利其貨而赴者甚衆帝乃移檄以讓之朱瑄來使不

遜乃命朱珍侵曹伐濮以懲其姦未幾珍伐曹州執刺

史丘禮以獻遂移兵圍濮充鄆之釁自茲而始矣

通鑑
改吳

引鳥若拙後史補云梁太祖皇帝到梁園深有大志然
兵力不足常欲外掠又虞四境之難每有鬱然之狀時
有薦敬秀才於門下乃白梁祖曰明公方欲圖大事輜
重必為四境所侵但令麾下將士詐為叛者而逃即明
公奏於主上及告四鄰以自襲叛徒為名梁祖曰
天降奇人以佐於吾初從其議一出而致衆十倍

十月

僖宗命水部郎中王贊撰紀功碑以賜帝是月帝親帥
騎數千巡師於濮上因破朱瑄援師於范縣丁未攻陷

濮州刺史朱裕單騎奔鄆尋為鄆人所敗踰月乃還十二月僖宗遣使賜帝鐵券又命翰林承旨劉崇望撰德政碑以賜帝閏月甲寅帝請行營司馬李璠權知淮南畱後乃遣大將郭言領兵援送以赴揚州文德元年正月帝率師東赴淮海行次宋州聞揚行密已拔揚州遂還是時李璠郭言行至淮上為徐戎所扼不克進而還帝怒遂謀伐徐二月丙戌僖宗制以帝為蔡州四面行營都統繇是諸鎮之師皆受帝之節制三月庚子昭宗

卽位是月蔡人石璠領萬衆以剽陳亳帝遣朱珍率精騎數千擒璠以獻四月戊辰魏博樂彥禎失律其子從訓士奔相州使來乞師帝遣朱珍領大將濟河連收叅陽臨河二邑既而魏軍推小校羅弘信為帥弘信既立遣使送款于汴帝優而納之遂命班師是月河南尹張全義襲李罕之于河陽克之罕之單騎士奔因乞師于太原李克用為發萬騎以援之罕之遂收其衆偕晉軍合勢急攻河陽全義危急遣使求救于汴帝遣丁會牛

存節葛從周領兵赴之大戰於溫縣晉人與罕之俱敗
於是河橋解圍全義歸於河陽因以丁會為河陽留後
五月己亥昭宗制以帝檢校侍中增食邑三千戶戊辰
詔改帝鄉錦衣里曰沛王里是月帝以兼有溫孟之地
無西顧之患將大整師徒畢力誅蔡會蔡人趙德諲舉
漢南之地以歸於朝廷且遣使送款於帝仍誓戮力同
討宗權帝表其事朝廷因以德諲為蔡州四面副都統
又以河陽保義義昌三節度帝行軍司馬兼糧料應接

至是帝領諸侯之師會德謹以伐蔡賊於汝水之上遂薄其城五日之內樹二十八寨以環之蓋象列宿之數也時帝親臨天石一日飛天中其左掖血漬單衣顧謂左右曰勿洩九月以糧運不繼遂班師是時帝知宗權殘孽不足為患遂移兵以伐之十月先遣朱珍領兵與時溥戰於吳康鎮徐人大敗連收豐蕭二邑溥攜散騎馳入彭門帝命分兵以攻宿州刺史張友携符印以降既而徐人閉壁堅守遂命龐師古屯兵守之而還是月

蔡賊孫儒攻陷揚州自稱淮南節度使龍紀元年正月
龐師古攻下宿遷縣進軍於呂梁時溥領軍二萬晨壓
師古之軍而陣師古促戰敗之斬首二千餘級溥復入
於彭門二月蔡將申叢遣使來告縛秦宗權於帳下折
其足而囚之矣帝即日承制以叢為淮西留後未幾叢
復為都將郭璠所殺是月璠執宗權來獻帝遣行軍司
馬李璠牙校朱克讓檻進於長安既至昭宗御延喜樓
受俘即斬宗權於獨柳樹下蔡州平昭宗詔加帝食寶

封一百戶賜莊宅各一區三月又加帝檢校太尉兼中書令進封東平王賞平蔡之功也大順元年四月丙辰宿州小將張筠逐刺史張紹光擁衆以附時溥帝率親軍討之殺千餘人筠遂堅守乙卯時溥出兵暴碭山縣帝遣朱友裕以兵襲之敗徐軍三千餘衆獲沙陲援軍石君和等三千人斬於宿州城下六月辛酉淮南孫儒遣使修好於帝帝表其事請以淮南節度授於儒焉辛未昭宗命帝為宣義軍節度使充河東東西行營招討

使時朝廷宰臣張濬將兵討太原故也八月甲寅昭義都將馮霸殺沙陀所署節度使李克恭來降帝請河陽節度使朱崇節為潞州留後戊辰李克用自率蕃漢步騎數萬以圍潞州帝遣葛從周率驍勇之士夜中銜枚犯圍而入於潞九月壬寅帝至河陽遣都將李讜引軍趨澤潞行至馬牢川為晉人所敗帝又遣朱友裕張全義率精兵至鄆州北以為應援既而崇節從周棄潞來歸戊申帝廷責諸將敗軍之罪斬李讜李重胤以徇遂

班師焉十月乙酉帝自河陽赴滑臺時奉詔將討太原
先遣使假道於魏魏人不從先是帝遣行人雷鄴告羅
於魏既而為牙軍所殺羅宏信懼故不敢從命遂通好
於太原十二月辛丑帝遣丁會葛從周率衆渡河取黎
陽臨河又令龐師古霍存下淇門衛縣帝徐以大軍繼
其後二年春正月魏軍屯於內黃丙辰帝與之接戰自
內黃至永定橋魏軍五敗斬首萬餘級羅弘信懼遣使
持厚幣請和帝命止其焚掠而歸其俘弘信繇是悅服

而聽命焉乃收軍屯於河上八月己丑帝遣丁會急攻
宿州刺史張筠堅守其壁會乃率衆於州東築堰壅汴
水以浸其城十月壬午筠遂降宿州平十一月丁未曹
州裨將郭紹實殺刺史郭饒舉郡來降是月徐將劉知
俊率衆二千來降自是徐軍不振十二月兗州朱瑾領
軍三萬寇單父帝遣丁會領大軍襲之敗於金鄉界殺
二萬餘衆瑾單馬遁去景福元年正月遣丁會於兗州
界徙其民數千戶於許州二月戊寅帝親征鄆先遣朱

友裕屯軍於斗門甲申次衛南有飛鳥止於峻堞之上
鳴噪甚厲副使李璠曰將有不如意之事是夜鄆州朱
瑄率步騎萬人襲朱友裕於斗門友裕拔軍南去乙酉
帝晨救斗門不知友裕之退前至斗門者皆為鄆人所
殺帝追襲鄆人至瓠河不及遂頓兵於村落間時朱瑄
尚在濮州丁亥遇朱瑄率兵將歸於鄆遂來衝擊帝策
馬南馳為賊所追甚急前後浚溝躍馬而過張歸厚援
稍力戰於其後乃免時李璠與都將數人皆為鄆軍所

殺五月丙午遣朱克讓率衆暴兗鄆之麥十一月遣朱友裕率兵攻濮州下之擒刺史邵儒以獻濮州平遂命移軍伐徐州二年四月丁丑龐師古下彭門梟時溥首以獻八月帝遣龐師古移兵攻兗駐於曲阜與朱瑾屢戰皆敗之十二月師古遣先鋒葛從周引軍以攻齊州刺史朱威告急於兗鄆既而朱瑄以援兵至遂固其壘乾寧元年二月帝親領大軍由鄆州東路北次於魚山朱瑄硯知即以兵逕至且圖速戰帝整軍出寨時瑄瑾

已陣于前須臾東南風大起我軍旌旗失次甚有懼色
即令騎士揚鞭呼嘯哦而西北風驟發時兩軍皆在草
莽中帝因令縱火既而烟焰亘天乘勢以攻賊陣瑄瑾
大敗殺萬餘人餘衆擁入清河因築京觀於魚山之下
駐軍數日而還二年正月癸亥遣朱友恭帥師復伐充
遂塹而圍之未幾朱瑄自鄆率步騎援糧欲入於充友
恭設伏以敗之盡奪其餉於高吳因擒蕃將安福順安
福慶二月己酉帝親領軍屯於單父以為友恭之援四

月濠壽二州復為楊行密所陷是時太原遣將史儼兒
李承嗣以萬騎馳入於鄆朱友恭遂歸於汴八月帝領
親軍伐鄆至大仇遣前軍挑戰設伏於梁山以待之既
而獲蕃將史完府奪馬數百匹朱瑄脫身遁去復入於
鄆十月帝駐軍於鄆齊州刺史朱瓊遣使請降瓊即瑾
之從父兄也帝因移軍至兗瓊果來降未幾瓊為朱瑾
所紿掠而殺之帝即以其弟玘為齊州防禦使十一月
朱瑄復遣將賀瓌柳存及蕃將何懷寶等萬餘人以襲

曹州度解兗州之圍也帝知之自充領軍策馬先路至鉅野南追而敗之殺戮將盡生擒賀瓌抑存何懷寶及賊黨三千餘人是日申時狂風暴起沙塵拂湧帝曰此乃殺人未足耳遂下令盡殺所獲囚俘風亦止焉翼日賀賀懷等以示于兗帝素知瓌名乃釋之惟斬何懷寶于兗城之下乃班師十二月葛從周領兵復伐兗既至與朱瑾戰于壘下殺千餘衆擒其將孫漢筠已下二十人遂旋師三年正月河東李克用既破邠州欲謀爭霸

乃遣蕃將張汚落以萬騎塞於河北之莘縣聲言欲救
兗鄆魏博節度使羅弘信患之使來求援二月帝領親
軍屯於單父會寒食帝乃親拜文穆皇帝陵於碭山縣
午溝里四月辛酉河東泛漲將壞滑城帝令決隄岸以
分其勢為二河夾滑城而東為害滋甚是月帝遣許州
刺史朱友恭領兵萬人渡淮以便宜從事時黃鄂二州
累遣使求援故有是行五月命葛從周統軍屯於洹水
以備蕃軍六月李克用帥蕃漢諸軍營于斥丘遣其男

落落將鐵林小兒三千騎薄于洹水從周與戰大敗之
生擒落落以獻克用悲駭請修舊好以贖其子帝不許
遂繫落落送于羅弘信斬之越七日我軍還屯陽留以
伐鄆八月復壁於洹水是時昭宗幸華州遣使就加帝
檢校太師守中書令四年正月帝以洹水之師大舉伐
鄆辛卯營於濟水之次龐師古令諸將撤木為橋乙未
夜師古以中軍先濟聲振于鄆朱瑄聞之棄壁夜走葛
從周逐之至中都北擒瑄並其妻男以獻尋斬汴橋下

鄆州平乙亥帝入於鄆以朱友裕為鄆州兵馬留後時
帝聞朱瑾與史儼兒在豐沛間搜索糧饋惟留康懷英
以守兗州帝因乘勝遣葛從周以大軍襲兗懷英聞鄆
失守俄又我軍大至乃士降朱瑾史儼兒遂奔淮南兗
海沂密等州平乃以葛從周為兗州留後五月丁丑朱
友恭遣使上言大破淮寇于武昌收復黃鄂二州八月
陝州節度使王珙遣使來乞師是時珙弟珂實為蒲帥
迭相憤怒日尋干伐而珙兵寡故來求援帝遣張存敬

楊師厚等領兵赴陝既而與蒲人戰于猗氏大敗之九月帝以兗鄆既平將士雄勇遂大舉南征命龐師古以徐宿宋滑之師直趨清口葛從周以兗鄆曹濮之衆徑赴安豐淮人遣朱瑾領兵以拒師古因決水以浸軍遂為淮人所敗師古歿焉葛從周行及濠梁聞師古之敗亦命班師

舊五代史卷一

舊五代史卷一攷證

梁太祖紀一九月帝遂與左右定計斬偽監軍使嚴實
降於重榮 案舊唐書僖宗紀朱溫之降繫八月與
是書異新唐書及通鑑俱繫九月與是書同疑舊唐
書誤 又嚴實原本訛作嚴貴今據歐陽史及通鑑
改正

乃詔授帝左金吾衛大將軍充河中行營副招討使

案歐陽史云王鐸承制拜溫金吾衛大將軍河中仁

營招討副使與是書謂僖宗招授者異攷舊唐書召通鑑則王鐸承制所拜乃華同節度在僖宗詔授以前歐陽史以詔授為王鐸承制當是刪并之誤

仍賜名全忠 案是書及舊唐書通鑑皆作僖宗賜名惟鑑戒錄云朱太祖統四鎮除中今日名溫與崔相國連構大事崔每奏太祖忠赤遷之關東國無患矣昭宗遽敕太祖改名全忠議者謂金字人王也又在忠心甚不可也上方悔焉其說與諸史異蓋傳聞之

不同爾

三年三月僖宗制授帝宣武軍節度使 三月舊唐書

作五月

帝與許州田從異諸軍同收瓦子寨 案瓦子寨原本
訛作瓦子寨攷通鑑注云黃巢撤民居以為寨屋謂
之瓦子寨則于字形近刊訛耳今改正

三月庚辰僖宗降制就封帝為沛郡王 案全忠之王
舊唐書繫光啓元年三月據是書則元年惟增食邑

至二年三月乃進封也歐陽史從是書

十一月滑州節度使安師儒以急于軍政為部下所殺

案舊唐書云十月壬子朔滑州軍亂逐其帥安師

儒師儒奔汴朱全忠殺之歐陽史同新唐書云十月

朱全忠陷滑州執義成軍節度使安師儒通鑑同據

是書則師儒自為部下所殺與諸書互異又十一月

新舊唐書俱作十月

庚午賊將盧瑋領萬餘人于圃田北萬勝戍 案通鑑

攷異云長厯四月甲辰朔無庚午薛史誤今改舊唐書光啟三年四月正作甲辰朔以日數計之庚午乃四月二十七日也據此乃通鑑攷異之誤耳

乃就加帝檢校太尉兼領淮南節度使 案全忠兼領

淮南舊唐書作光啟三年十一月歐陽史作十二月

通鑑作閏十一月據是書則在九月以前與諸書異

又是書下文作閏十二月通鑑作閏十一月未詳孰

是

九月亳州裨將謝殷逐刺史宋充 九月新唐書及通

鑑俱作六月

鄆州朱瑄 瑄歐陽史作宣

是時李璠郭言行至淮上為徐戎所扼不克進而還

案歐陽史云璠之揚州行密不納據通鑑云李璠至
泗州時溥以兵襲之郭言力戰得免而還是李璠未
嘗至揚州也當以是書為得其實

二月丙戌僖宗制以帝為蔡州四面行營都統 案全

忠為四面行營都統新唐書及通鑑作正月癸亥舊唐書作五月與是書異

會蔡人趙德諲舉漢南之地以歸於朝廷案德諲之降新舊唐書及通鑑俱繫五月與是書同歐陽史叙其事于正月疑有舛誤

二月蔡將申叢遣使來告縛宗權於帳下案宗權之執舊唐書作文德元年十二月新唐書作十一月歐陽史作正月與是書作龍紀元年二月者互異未詳

孰是

三月又加帝檢校太尉兼中書令進封東平王 案全忠進封舊唐書繫四月與是書異

十月壬午筠遂降宿州平 案宿州之下舊唐書繫十一月新唐書歐陽史通鑑俱與是書同

十一月丁未曹州裨將郭紹賓殺刺史郭饒舉郡來降 案新唐書十一月己未曹州裨將郭銖殺其刺史郭詞叛附全忠通鑑同與是書異

遂領兵於村落間 案領字攷文義應是頓字之譌今

改

次于魚山 魚山歐陽史作漁山攷通鑑亦作魚山今
仍其舊

盡奪其餉於高吳 高吳通鑑作高梧攷是書前後俱
作高吳今仍其舊

是時太原遣將史儼兒李承嗣以萬騎馳入于鄆 案
史儼兒通鑑作史儼攷舊唐書初兗鄆求援于太原

克用令蕃將史完府何懷寶等以千騎赴之不言赴
鄆為何時據此書下文云八月獲蕃將史完府十月
擒何懷寶然則四月馳入鄆者當是史完府何懷寶
非史儼兒李承嗣也參攷是書唐武皇紀及李承嗣
傳承嗣等入鄆定在二年之冬此紀似有舛誤通鑑
并采梁唐帝紀亦未詳攷

朱瑄脫身遁去 案朱瑄之敗通鑑繫九月辛未與是
書繫八月異歐陽史從是書

十月帝駐單于鄆齊州刺史朱瓊遣使請降 十月新

唐書昭宗紀作十一月

及蕃將何懷寶等萬餘人以襲曹州 何懷寶通鑑作
薛懷寶攷舊唐書亦作何懷寶今仍之

十二月葛從周領兵復伐兗 案通鑑云金忠去充留
葛從周將兵守之與是書異又是書葛從周傳乃十
月事

辛卯營于濟水之次 案胡三省云漢以後無濟水此

濟水蓋卽鄆城清河水也

是時珙弟珂實爲蒲帥 珂原本訛琦今據新唐書王

重榮傳改正

九月帝以兗鄆旣平將士雄勇遂大舉南征 案舊唐

書昭宗紀師古渡淮在十月而清口之敗在十一月

是書繫于九月蓋因南征之議實始于九月遂牽連

書之亦未暇細詳月日耳歐陽史改作九月攻淮南

則清口之役乃因雨雪而敗有九國志可攷斷非九

月事也

舊五代史卷一 攷證